

Swyddfa Comisiynydd Heddlu a Throseddu Gwent

Hysbysiad Preifatrwydd ar gyfer Aelodau'r Cydbwyllgor Archwilio, Aelodau'r Panel Camymddwyn Annibynnol, Cadeiryddion wedi Ymgymhwyso yn y Gyfraith a Gwirfoddolwyr

Pwy ydym ni

Mae Swyddfa Comisiynydd Heddlu a Throseddu Gwent (Swyddfa'r Comisiynydd) yn rhoi cymorth i'r Comisiynydd Heddlu a Throseddu (y Comisiynydd) gyflawni ei ddyletswyddau a chyfrifoldebau sy'n cynnwys dwyn Prif Gwnstabl Gwent i gyfrif am gyflawni plismona lleol, pennu a diweddarau cynllun heddlu a throseddu, pennu'r gyllideb a'r praesept ac ymgysylltu â'r cyhoedd a chymunedau yng Ngwent.

Prif Weithredwr Swyddfa'r Comisiynydd yw'r rheolwr data ar gyfer y wybodaeth bersonol rydym yn ei phrosesu, oni bai y nodir yn wahanol.

Gallwch gysylltu â ni mewn sawl ffordd

Trwy e-bost: Commissioner@gwent.pnn.police.uk

Ar y ffôn: 01633 642200

Trwy'r post: Swyddfa Comisiynydd Heddlu a Throseddu Gwent
Pencadlys yr Heddlu
Heol Tyrpeg
Croesyceiliog
Cwmbrân
NP44 2XJ

Y Swyddog Diogelu Data yw Joanne Regan. Gellir defnyddio'r manylion uchod i gysylltu â hi. Cyfeiriwch bob gohebiaeth at sylw'r Swyddog Diogelu Data.

Pwrpas yr Hysbysiad Preifatrwydd hwn

Pwrpas yr Hysbysiad Preifatrwydd hwn yw eich hysbysu sut bydd Swyddfa'r Comisiynydd yn prosesu eich gwybodaeth bersonol a'ch hawliau mewn perthynas â hynny.

Mae'n bwysig nodi bod Heddlu Gwent yn ymgymryd â'r holl swyddogaethau Adnoddau Dynol a chyflogres ar ran Swyddfa'r Comisiynydd ac fel y cyfryw bydd eich data personol yn cael eu rhannu rhwng y ddau sefydliad. Bydd eich data personol yn cael eu prosesu ar ran Swyddfa'r Comisiynydd, gan Heddlu Gwent, er mwyn gallu talu unrhyw lwfansau a/neu dreuliau i chi y mae gennyh hawl iddynt.

Am wybodaeth bellach am Heddlu Gwent a'u Swyddog Diogelu Data, ewch i'w [gwefan](#).

Pa wybodaeth ydym ni'n ei chasglu?

Rydym yn casglu amrywiaeth o wybodaeth amdanoch chi a fydd yn wahanol yn dibynnu ar eich swydd. Gall gynnwys:

- eich enw, cyfeiriad a manylion cyswllt, gan gynnwys cyfeiriad e-bost a rhif ffôn, dyddiad geni a rhywedd;
- manylion eich cymwysterau, sgiliau, profiad a hanes cyflogaeth;
- gwybodaeth am eich statws priodasol, perthynas agosaf, dibynyddion a phobl i gysylltu â nhw mewn argyfwng;
- gwybodaeth am eich cenedligrwydd a'ch hawl i weithio yn y DU;
- gwybodaeth monitro cyfle cyfartal, gan gynnwys gwybodaeth am eich tarddiad ethnig, cyfeiriadedd rhywiol, rhywedd, anabledd a chrefydd neu gred;
- gwybodaeth am unrhyw dâl y mae gennych hawl i'w dderbyn;
- manylion eich cyfrif banc a rhif yswiriant gwladol;
- gwybodaeth am eich proses fetio a chofnod troseddol;
- lluniau ar gyfer eich bathodyn adnabod staff;
- manylion trafodaethau a gafwyd gyda chi ynghylch unrhyw bryderon posibl a godwyd;
- asesiadau o'ch perfformiad, hyfforddiant rydych wedi cymryd rhan ynddo, cynlluniau gwella perfformiad a gohebiaeth gysylltiedig;
- gwybodaeth am gyflyrau meddygol neu ieuchyd, gan gynnwys a oes gennych chi anabledd y mae angen i ni wneud addasiadau rhesymol ar ei gyfer;
- manylion ymlyniadau gwleidyddol;
- y Gymraeg (yn unol â Safonau'r Gymraeg) a gallu mewn ieithoedd eraill.

Rydym yn casglu'r wybodaeth hon mewn amryw o ffyrdd. Er enghraifft, mae data'n cael eu casglu trwy ffurflenni cais, yn cael eu cymryd o'ch pasbort neu ddogfennau hunaniaeth eraill megis eich trwydded yrru; o ffurflenni a gwblhawyd gennych ar ddechrau neu yn ystod eich swyddogaeth gyda Swyddfa'r Comisiynydd; o ohebiaeth â chi; neu drwy gyfweiliadau, cyfarfodydd neu asesiadau eraill. Mewn rhai achosion, rydym yn casglu data personol amdanoch chi trwy drydydd parti, megis geirdaon a ddarperir gan eich cyflogwyr.

Fel rhan o'ch swyddogaeth gyda Swyddfa'r Comisiynydd bydd gofyn i chi fynd trwy broses fetio. Efallai y caiff y gofyniad hwn ei ailadrodd yn gyfnodol yn ystod eich cyflogaeth, gan ddibynnu ar eich swyddogaeth. Byddwn yn eich fetio yn unol ag Arfer Proffesiynol Cymeradwy ar gyfer Fetio'r Coleg Plismona.

Beth yw'r sail gyfreithiol dros brosesu eich data personol?

Mae angen i ni brosesu eich data personol cyn ymrwymo i gontract gyda chi ar gyfer y swyddogaeth y byddwch yn ymgymryd â hi i Swyddfa'r Comisiynydd ac i fodloni ein dyletswyddau dan y contract hwn. Er enghraifft, mae angen i ni brosesu eich data er mwyn eich talu yn unol â'r contract hwn.

Mewn rhai achosion, mae angen i ni brosesu data i sicrhau ein bod yn cydymffurfio â'n goblygiadau cyfreithiol, megis gwirio hawl unigolyn i weithio yn y DU.

Trwy gael eich penodi yn aelod o'r Cydbwyllgor Archwilio, aelod o'r Tribiwnlys Apeliadau Heddlu, Cadeirydd wedi Ymgymhwyso yn y Gyfraith neu wirfoddolwr, rydych yn rhoi cydsyniad i ni brosesu eich gwybodaeth bersonol i'ch galluogi chi i gymryd rhan yn y cynllun perthnasol rydych yn ymwneud ag ef.

Mae rhai categorïau penodol o ddata personol, megis gwybodaeth am iechyd neu gyflyrau meddygol, yn cael eu prosesu i gyflawni rhwymedigaethau cyfraith cyflogaeth (megis rhai mewn perthynas â gweithwyr ag anabledau ac at ddibenion iechyd a diogelwch).

Lle rydym yn prosesu categorïau penodol eraill o ddata, megis gwybodaeth am darddiad ethnig, cyfeiriadedd rhywiol, rhywedd, iechyd neu grefydd neu gred, mae hyn at ddibenion monitro cyfle cyfartal.

Rhannu eich data personol

Bydd gwybodaeth amdanoch yn cael ei rhannu'n fewnol yn Swyddfa'r Comisiynydd, gyda gweithwyr perthnasol Heddlu Gwent sy'n ymwneud â'r cynlluniau, gydag adran cyflogres Heddlu Gwent, a gyda Heddlu De Cymru sy'n gweinyddu'r system FIRMS a ddefnyddir i dalu treuliau y mae gan rai swyddogaethau hawl i'w derbyn.

Rydym yn rhannu eich data gyda thrydydd parti er mwyn cael geirdaon gan gyflogwyr, a chael gwiriadau cofnodion troseddol angenrheidiol gan y Gwasanaeth Datgelu a Gwahardd.

Os yw eich swyddogaeth yn gofyn am fetio ehangach gan y llywodraeth gallwn roi eich cyfeiriad e-bost a gwybodaeth bersonol arall megis eich enw, dyddiad geni a rhif pasbort i United Kingdom Security Vetting a fydd yn cysylltu â chi i gwblhau'r cais fetio priodol. UKSV fydd y rheolydd data ar gyfer unrhyw wybodaeth ychwanegol rydych yn ei darparu ar ei gyfer.

Ni fyddwn yn rhannu eich gwybodaeth ag unrhyw drydydd parti at ddibenion marchnata uniongyrchol.

Am ba hyd ydym ni'n cadw eich data personol?

Mae data personol yn cael eu cadw yn unol â'n polisi cadw.

Sut ydym ni'n cadw eich gwybodaeth yn ddiogel?

Mae Swyddfa'r Comisiynydd yn cymryd diogelwch eich data o ddifrif. Mae gennym bolisiâu a rheolaethau mewnol ar waith i geisio sicrhau nad yw eich data'n cael eu colli, eu dinistrio'n ddamweiniol, eu camddefnyddio na'u datgelu, ac nad oes gan unrhyw un fynediad atynt, ac eithrio ein gweithwyr er mwyn cyflawni eu dyletswyddau'n iawn. Mae mynediad at eich data personol yn gyfyngedig i dimau neu unigolion penodol.

Eich hawliau mewn perthynas â'ch data personol

O dan gyfraith diogelu data, mae gennych chi hawliau y mae angen i ni eich gwneud yn ymwybodol ohonynt. Mae'r hawliau sydd ar gael i chi'n dibynnu ar ein rheswm dros brosesu eich gwybodaeth.

- Eich hawl i fynediad
- Eich hawl i gywiriad
- Eich hawl i ddileu
- Eich hawl i rwystro prosesu.
- Eich hawl i wrthwynebu prosesu
- Eich hawl i gludadwyedd data

Ceir gwybodaeth bellach am yr hawliau hyn yn ein *Hysbysiad Preifatrwydd cyffredinol*.

Newidiadau i'r Hysbysiad Preifatrwydd hwn

Rydym yn adolygu ein hysbysiad preifatrwydd yn rheolaidd i sicrhau ei fod yn gyfredol a chywir.

Os ydych yn anfodlon

Rydym yn pennu safonau uchel iawn ar gyfer casglu a defnyddio data personol yn briodol ac rydym yn ystyried unrhyw gŵynion yn ddifrifol iawn. Hoffem i chi dynnu ein sylw at unrhyw ddigwyddiad lle rydych yn credu bod y defnydd o ddata'n annheg, yn gamarweiniol neu'n amhriodol. Rydym yn croesawu unrhyw awgrymiadau ar gyfer gweithredu'n well hefyd. Cysylltwch â'n Swyddog Diogelu Data yn Swyddfa'r Comisiynydd i ddechrau.

Os ydych yn dal yn anfodlon ar ôl cysylltu â'n Swyddog Diogelu Data, gallwch wneud cwyn i'r Comisiynydd Gwybodaeth:

Swyddfa'r Comisiynydd Gwybodaeth – Cymru
2il Lawr, Tŷ Churchill
Ffordd Churchill
Caerdydd
CF10 2HH

Ffôn: 01625 545297

Ffacs: 029 2067 8399
E-bost: wales@ico.org.uk

Diweddarwyd 10 Ionawr 2019